

道門科範大全集卷八十一之八十三

甲九

道門科範大全集卷之八十一  
八十二  
十三同卷  
甲九

東嶽濟度拜章大醮儀

清旦行道

法事陞壇如式

各禮師存念如法

宣衛靈呪  
曹文玄言  
封符去或錄

青陽虛映耀日回靈神虎辟邪飛天流鈴  
摧奸滅試萬魔束形九微廻道八威攝精  
千真校錄三元蕩清左嘯中黃右策六丁  
七轉八合周旋天經聖化巍巍大道興行

慶雲流布 合景黃庭 輿道合真 大齋興齊

中夏齊鳴 法鼓二十四通 獻中黃 式策六丁

祭伏魔 發鑪 奠奠承 火始興 齋 八旬齋 齋

無上三天玄元始三炁太上道君太上老君  
召出臣身中三五功曹左右官使者左右捧

十九

香驛龍騎吏侍香金童傳言散花玉女五帝

直符直日香官合三十六人出出者嚴裝顯

服冠帶垂纓關啓玄壇土地方域神真臣今

請旦行道謹奏為宣意其諸情悃已錄告聞

願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天金闕玉皇上帝御前

請稱法位

具位臣某等謹虔誠上啓

虛無自然金闕七寶上帝東宮教主太乙救

苦天尊傳經演教歷代師真東嶽泰山天齊

仁聖帝淑明皇后太子貴妃殿上炳靈公西

齊靈王嶽下文武考校一切曹僚三界應感

一切真靈咸望洪慈俯昭丹懇臣聞五明官

內天尊深憫於輪迴東極官中太乙常救於  
苦趣蓋爲黔黎之昧道不知天地之貴人隨  
欲海之漂流逐愛河而沉溺罪根已積業網  
難逃因貪生而喪生由求苦而得苦一辭人  
世長繫陰司故太上開濟度之門惟真格有

甲九

二

薦拔之品許歸誠而懺罪得解考以超昇俗  
累未除難免根塵之六冲科廣被必聞赦宥  
之三豈不矜恤於蠢愚尚可深懷於悔過奉  
道其銜哀茹苦瀝血輸誠嘆已切於逝川念  
更深於幽圀仰惟嶽府實收召於亡魂恭啓

齋壇冀感通於帝意備著詞旨敢不上聞

宣詞

按如詞言深切哀憫蓋送死可名於大專且  
臨喪必倍於哀情雖亡者不可復追夜舟難  
守然存者實懷思感齋悃方伸深惟管攝之  
冥司實係崇高之岱岳恐尚嬰於縲紲當廣  
設於津梁曲盡精誠冀蒙鍊度以今清旦朝  
元行道請法衆等運茲初捻上香願此香煙  
騰空徑上供養

玉清聖境元始天尊十方道寶臣等皈身皈

神皈命以是功德上祝

今上皇帝陛下就如堯日八方均被於照臨  
歌詠舜風萬類悉臻於繁阜兵不用而干戈  
偃息刑不試而囹圄空虛德惟廣於好生域  
盡臻於仁壽黃旗南運瑞氣長垂於斗牛青

甲九

三

海西還哭聲無聞於戰鬼敷錫五福皆為有  
道之民泰治萬年永保無疆之曆今故燒香  
自歸依

道尊大聖衆至真之德得道之後昇入無爲  
和與道合真

臣聞珠口集真格日月之停景洞章嘯咏致  
山嶽之吞煙惟因流響之雲營能感遊空之  
仙聖以今清旦朝元行道請法衆等運茲二  
捻上香願此香煙騰空徑上供養

上清真境靈寶天尊無上經寶臣等皈身皈

神皈命以是功德歸流醮主某等住宅太歲  
尊神逐隅支干禁忌門丞戶尉月煞日遊不  
貽悞犯之殃並與寧居之慶亦罔恫而罔怨  
各來顧以來歆格猶可以度思聽每聞於介

福今故燒香自歸依



經尊大聖無不至真之德得道之後昇入無形  
和與道合旨六

臣聞誦九天之寶章得三官之考筭披三洞  
之科典致百靈之護持倘依大範之巍巍必  
膺遐福之簡簡以今清旦朝元行道請法衆

等運茲三捻上香願此香煙騰空徑上供養  
太清仙境降生天尊十方師寶臣等皈身皈  
神皈命以是功德歸流醮主某等合門昌盛  
舉族繁榮宜家必詠於桃夭有子常歌於棊  
苜禍殃掃蕩若霧捲以冰消福慶增隆如嶽

停而川至明經入仕者速升於青紫服田力  
穡者累溢於金箱式彰善積之家不憂鬼瞰  
其室今故燒香自皈依  
師尊大聖衆至真之德得道之後昇入無形  
和與道合旨六

四十九

懺方

三啓

三禮

四

具位臣某等謹同誠上啓

虛无自然金闕七寶上帝東宮教主太乙救  
苦天尊傳經演教歷代師真東嶽泰山天齊  
仁聖帝淑明皇后太子貴妃殿上炳靈公西

齊靈王獄下文武考校一切曹僚三界應感  
一切真靈咸望洪慈俯昭丹懇臣聞哀死事  
亡要篤如存之志履霜濡露必懷追往之心  
書籍滿牀驗手容而可想栝棧在案知口澤  
之猶存昔處生前要知其疾痛痾癢今居沒  
後敢忘其拘滯沉迷路隔幽明苦惱雖難於  
代受情緣親愛薦嚴專務於追修神莫大於  
獄宗權常司於鬼錄每察知於功過式兼制  
於死生深懼往逝之魂愆尤難免恐在拘囚  
之地解脫無由用罄凡誠仰祈善貸洗罪名

於黑磁得煉生質於黃華速出泉關早登道岸

上明

天尊大慈之澤下副臣等皈命之誠謹啓以

聞

十二願

甲九

前門後復鑪

全集卷之八十一

五

謹攝香官使者左右龍虎君侍香諸靈官當

令臣向來清旦行道之所自然生金液丹碧

芝英百靈衆真交會在此香火鑪前當願十

方仙童玉女接待蘭煙傳臣向來所啓之誠

速達徑御女對封蘭殿對目向來所敬之為

至真無極大道交會五五香火靈前當顯十

昊天玉皇上帝御前

出堂頌出戶

道門科範大全集卷之八十一

道門科範大全集卷之八十二

東嶽濟度拜章大醮儀

臨午行道

法事陞壇如式

各禮師存念如法

宣衛靈呪

丹靈朱火 炎霞激風 赤輪剛運 天光八衝  
迸威包羅 交變萬方 流金豁落 群魔滅蹤  
辟奸破妖 明耀元功 金符召制 躡雲策龍  
瑤歌慶會 散花太空 神化冥運 四極安隆

伏御帝前罔有不恭 與道合真

鳴法鼓二十四通

發鑪

無上三天玄元始三炁太上道君太上老君  
召出臣身中三五功曹左右官使者左右捧

香驛龍騎吏侍者金童傳言散花玉女五帝  
直符直日香官合三十六人出出者嚴裝顯  
服冠帶垂纓關啓玄壇土地方域神真臣今  
臨午行道謹奏為宣意其諸情悃已錄告聞  
願得太上十方至真道炁靈寶瑞光下降流

甲九

六

入臣身中令臣所啓速達徑御

太上無極大道

昊天金闕玉皇上帝

御前

請稱法位

具位臣某等謹虔誠上啓

虛無自然金闕七寶上帝東宮教主太乙救  
苦天尊傳經演教歷代師真東嶽泰山天齊  
仁聖帝淑明皇后太子貴妃殿上炳靈公西  
齊靈王嶽下文武考校一切曹僚三界應感  
一切真靈咸望洪慈俯垂丹懇臣聞處震卦  
而為大塗固當出萬物之首登泰山而小天  
下亦常居群祀之先東乃始生之方岱為管  
攝之地生必東首昔人知向背之宜氣起東  
隅造物全溫厚之致固知嶽帝之德實符天  
道之仁德本好生必欲赦除於有罪仁惟濟



衆豈不廣布於洪恩既司出入之機寔制短  
長之命苟有皈真而問道必蒙釋死以興生  
況死者人之所甚哀懼久淪於長夜而生者  
人之所大欲願長處於明時況身有善惡之  
殊故享年有壽夭之異跡已絕於人世遽至

殂亡魂必往於岱宗未蠲罪累須與求哀而  
懺悔未能補過以滌除奉道某家哀死悼亡  
感今懷昔念重泉之頓隔無計攀援惟妙道  
之可憑仰干超度爰企升中之地廣開解厄  
之門于時陽景方中盡幽遐而徧照晝漏停

午肅壇陞以無塵想衆聖之來臨顧凡情之  
上達火頒善利速度亡魂臨午詞誠謹當宣  
奏今刻音念重泉之醜無信琴瑟舞部妙  
齋科未宣詞

按如詞旨深切悲哀臣聞薤露易晞悲傷莫  
及樹風不靜慘怛難言深慮亡者陽過陰愆  
未悟於安存之日神誅鬼責併臨於殞沒之  
時不見昭昭之人寰惟就冥冥之幽圉爰奉  
九真之妙戒式遵三洞之祕文以今臨午行  
道請法衆等運茲初捻上香願此香煙騰空

徑上供養

玉清聖境元始天尊十方道寶臣等皈身皈

神皈命以是功德歸流亡人某冀洗多生之

罪獲逢肆眚之恩精誠潛感於帝心曲垂慈

憫祈禱遙聞於天聽俯賜哀矜知其往日之

愚迷許以茲辰之悔悟命獄卒而釋枉械付

司命而守形骸早離幽滯之途即達逍遙之

境今故燒香自歸依

道尊大聖衆至真之德得道之後昇入無形

和與道合真

臣聞紫戶定錄開度長夜之門黃華蕩形鍊  
成生身之質自元始之垂教皆無量以度人  
以今臨午行道請法衆等運茲二捻上香願  
此香煙騰空徑上供養

上清真境靈寶天尊無上經寶臣等皈身皈

甲九

八

神皈命以是功德歸流亡過某等伏願削除  
罪簿罷對陰司落滅惡根脫蹤苦趣決山火  
不流之獄推雷雨作解之恩身口意之愆尤  
即從洗蕩神祇鬼之攝制共賜涵洪得逢起  
死之期俾受更生之化遵達往亡之迷路鑿

納哀懇之誠心今故燒香自歸依之志望聖  
經尊大聖衆至真之德得道之後昇入無形  
和與道合真

臣聞執圓規而主人太皞顯司方之地不崇  
朝而徧雨公羊紀觸石之功固惟喬岳之靈  
務錫庶民之福以今臨午行道請法衆等運  
茲三捻上香願此香煙騰空徑上供養  
太清仙境降生天尊十方師寶臣等皈身皈  
神皈命以是功德歸流亡過某等伏願愛河  
靜浪苦海停波曩因淪誘而不知今日見聞

而頓悟嶽靈垂佑浮飛爽於幽窅空洞生神  
歸混炁於梵輔糸脫沉淪之厄速蒙鍊度之  
恩今故燒香自歸依十六明寶日者願良期  
師尊大聖衆至真之德得道之後昇入無形  
和與道合真

甲九

九

百有八懺方

如數三啓

三禮

具位臣某等謹重誠上啓

之曠

虛無自然金闕七寶上帝東宮教主太乙救  
苦天尊傳經演教歷代師真東嶽泰山天齊  
仁聖帝淑明皇后太子貴妃殿上炳靈公西

齊靈王嶽下文武考校一切曹僚三界應感  
一切真靈咸望洪慈俯昭丹懇臣聞會同五  
老常聽法於天尊光照九幽因起請於法解  
深憫三塗之厄尤悲五苦之艱考治罪魂則  
有巨天力士峻嚴陰獄則有執法神兵劔樹  
刀山絕筋折骨鑊湯鑪炭粉質糜軀鳥啄虵  
吞犁耕鋸解如斯苦惱實可嗟吁幸上聖之  
大慈與說因緣之起得真人之垂憫俾知善  
行之修率因三業之纏亦自六塵之染觸情  
徇意不知石火之難停受報懼殃翻使夜扉

之久閉尚許革心而嚮道皆得解考以條充  
廣造福田必仗琅函之經典稱揚聖號無踰  
東極之天尊寔與斷疑惑之根俾獲悟希夷  
之理醮官其重念哀方深於死沒罪惡積於  
生存業網未除法橋難上須憑妙善與滌前

非爰祗肅於齋壇式具嚴於禱禮名先嵩華  
常驤首以遐瞻勢面雲亭寔注心而懇禱丹  
輿綠輦期颺忽以來臨羽蓋霓旌想歲蕤而  
下降洞鑒精忱之意宏開拔度之門允同救  
苦之上真隨聲應感用濟沉淪之墜魄委順



成形早逢南極之注生兼得北都之部衛漸  
階仙路不滯迷途普使存亡均諧利樂上明  
天尊大慈之澤下副臣等皈命之誠謹啓以  
聞

十二願

甲九

復鑪

+

謹攝香官使者左右龍虎君侍香諸靈官當  
令臣向來臨午行道之所自然生金液丹碧  
芝英百靈衆真交會在此香火鑪前當願十  
方仙童玉女接待侍蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之八十二

道門科範大全集卷之八十三

東嶽濟度拜章大醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧恠滅惡 道炁周流

神光照夜 陰翳俱收 萬神降格 扇景乘飈

甲九

十一

羣生咸遂 惠徧神州 與道合真

鳴法鼓二十四通

發鑪

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女五帝  
直符直日香官合三十六人出出者嚴裝顯  
服冠帶垂纓關啓玄壇土地方域神真臣今  
靜夜行道謹奏爲宣意其諸情悃已錄告聞  
願得太上十方至真道炁靈寶瑞光下降流  
入臣身中令臣所啓速達徑御

太上無極大道

昊天金闕玉皇上帝御前

請稱法位

具位臣某等謹虔誠上啓

虛無自然金闕七寶上帝東宮教主太乙救  
苦天尊傳經演教歷代師真東嶽泰山天齊  
仁聖帝淑明皇后太子貴妃殿上炳靈公西  
齊靈王嶽下文武考校一切曹僚三界應感  
一切真靈咸望洪慈俯昭丹懇臣聞封取金

泥告代尚存於王者文傳玉冊定壽寔統於  
人倫上連空洞之天既稱仙境下制死生之  
命籍備陰官顧惟近逝之亡魂必有未消之  
黑簿罪雖未取當議罪於輕重淺深志苟深  
懲必許容於悲哀懺悔咸與維新之路俾知

更始之期矧度生度命之天尊皆本東居而  
闡化在唱恭唱諾之司馬亦因東向以誦章  
審知嶽帝之仁不拒凡夫之請醮官某等悼  
隙駒之易逝便隔幽明懼氣馬之不良常趨  
險路生前造罪曾違先覺之心沒後罹殃遂

甲九

十二

受無量之苦墮地獄而必懷痛悔在人世而  
當與追修庶能格帝之心或有回天之怒業  
根罪網霧捲永消善果福田雲行雨施三元  
育質復聞太一之執符八景具神又得帝君  
之品命今則嚴更報漏初傳甲夜之籌壽皎月

當天正廓層空之景宜伸控告用致齋誠靜  
夜詞誠謹當宣奏

宣詞

按如詞言深切哀憫臣聞非元始符命不足  
以伸遷拔之階非玉帝唱名不足以造登仙  
之境須憑至道用濟亡魂以無爲而革有爲  
之非以無形而去有形之累准沖科而啓瀆  
冀仙馭以齊臨更摠哀痛之情仰望矜憐之  
造以今落景行道請法衆等運茲初捨上香  
願此香煙騰空徑上供養

玉清聖境元始天尊十方道寶臣等皈身皈  
神皈命以是功德歸流醮官某家合門眷聚  
舉室尊卑過往蒙休早起登於仙路見存獲  
慶各終其於耆年皓首厖眉表柱無慙於遼  
鶴鮐背倪齒支牀必取於靈龜黃籙書削死

甲九

十三

之文青華注增年之籍驗天錫難老之瑞茂  
日昊大耋之嗟今故燒香自皈依  
道尊大聖衆至真之德得道之後昇入無形  
和與道合真

臣聞侍仙玉郎生神首開於囊錦長生大聖



度人先起於東方以今夕景行道請法衆等  
運茲二捻上香願此香煙騰空徑上供養

上清真境靈寶天尊無上經寶臣等皈身皈  
神皈命以是功德歸流醮官某家二門先祖  
七世高曾伏願並乘金簡之文速達玉京之

路超躋三界得保舉於魔王升名九宮迓朝  
謁於大帝赴龍門之受會獲鳥母之督仙無  
復冢訟之纏綿茂有子孫之殃注今故燒香

自皈依

經尊大聖衆至真之德得道之後昇入無形

和與道合真

臣聞九鍊更生道實崇於濟死十方無極功  
莫大於度人以今夕景行道請法衆等運茲  
三捻上香願此香煙騰空徑上供養

太清仙境降生天尊十方師寶臣等皈身皈

神皈命以是功德歸流旁薦五姓男女孤魂  
四生異類枯骸朽骨未離幽滯之鄉戴角披  
毛不免鞭策之苦冥漠魍魎端蜺蛸蛻喪精  
爽而全迷抱血氣而無識或不充於口腹隕  
落溝渠或橫被於干戈膏濡草澤崖顛谷墜

水溺火焚喪身圍犴之中絕命道途之側皆  
惟冤枉之酷未逢薦度之緣出沒三途輪迴  
六趣伏願並乘道力悉賴真慈頓捨前日之  
愚迷不為陷墜得遇今宵之接引咸遂超昇  
脫身魑魅之中蛻迹塵沙之地盡復生於人  
類咸得聽於法音今故燒香自皈依  
師尊大聖衆至真之德得道之後昇入無形  
和與道合真

甲九

十四

懺方

三啓

三禮

具位臣某等謹重誠上啓

虛無自然金闕七寶上帝東宮教主太乙救  
苦天尊傳經演教歷代師真東嶽泰山天齊  
仁聖帝淑明皇后太子貴妃殿上炳靈公西  
齊靈王嶽下文武考校一切曹僚三界應感  
一切真仙咸望洪慈俯昭丹懇臣聞管輅終  
年自許登山而治鬼處厚食祿亦爲司命之  
策名蓋三十六空洞之天真靈必會況七十  
二封禪之主禮制尤崇旣兼統於幽冥寔專  
司於禍福雖書注於生籍必先制於亡魂考  
過計功厥有正邪之異升名落簡豈無遲速

之殊苟非滌慮以洗心詎可贖愆而補過醮  
官某家興哀痛首隕淚傷心畫像空存豈見  
丁寧之語莫觴雖舉尤深慘切之情歡娛頓  
阻於閨門拘錄方歸於獄府無文不度式修  
可度之緣無文不生願結資生之果欲請囑

甲九

十五

於詎士難效前人求會遇於少年豈復同學  
惟誦香林之妙法且傳碧落之空歌建立淨  
壇燈熒煌而破暗致恭靈寶香馥郁以騰空  
庶殫悃悃之誠逕達崑崙之嶺伏願霽冰霜  
於夜府沛雨露於幽禱五鍊陶鎔俾得隨於

生化萬罪蕩釋仍復覩於光明死者有知得  
諧頓悟生者懷感愈切皈依溥及舍情均蒙  
濟度上明天尊大慈之澤下副臣等皈命之  
誠謹啓以聞

十二願

復鑪

謹攝香官使者左右龍虎君侍香諸靈官當  
令臣向來靜夜行道之所自然生金液丹碧  
芝英百靈衆真交會在此香火鑪前當願十  
方仙童玉女接待蘭煙傳臣向來所啓之誠

速達徑御

至真無極大道

昊天玉皇上帝御前

出堂頌

出戶

道門科範大全集卷之八十三



